



--

Arkiv saknr:	2017/892
Løpenr.:	2247/2018
Arkivkode:	

Utval	Møtedato	Utval Saksnr
Rådet for eldre og personar med nedsett funksjonsevne		18/3

Sakshandsamar: Jan Myrekrok | Kari Dalen

Nordheimstunet - ulike tema knytt til tilbod, bruk og utvikling

Vedlegg:

- Innspel om Norheimstunet

Bakgrunn:

Etter ønske frå rådsleiar vert det fremja sak om Nordheimstunet. Vedlagde notat frå Øvre Vinje pensjonistlag utdjupar tema som ein ønskjer å drøfte nærare. For øvrig var ordførar og representantar for administrasjonen i møte med lag og organisasjonar i Øvre Vinje i januar i år. Blant dei sakene representantane tok opp, var eit ynskje om å utvide eldresenteretiltbodet ved Norheimstunet med ein dag til i veka, slik at senteret skal kunne halde oppe to dagar i veka.

Ynskjet har kome parallelt frå kokken som engasjert ved eldresenteret den dagen det no er oppe. Han trivst godt og ynskjer større stilling.

Vurdering:

I Vinje er det i dag eitt eldresenter, dette er lokalisert til Norheimstunet. Isolert sett er ei utviding av eldresenterdrifta ved Norheimstunet positivt med omsyn til den førebyggjande effekten ein slik sosial møteplass har og kan tenkast å få. Det er lange tradisjonar i Øvre Vinje for eit slikt tilbod, og dette er også grunnen til at eining for Helse og omsorg valde å oppretthalde tilbodet når støtta til eldresentra i kommunen fall bort ved ei budsjethandsaming for fleire år sidan. Tilbodet ved Norheimstunet har gjennom åra samla mange til sosialt fellesskap, felles måltid og lett kontakt med de i heimebaserte tenestene som har base i same lokale.

Helse og omsorg har gjennom budsjettvedtak for 2018, fått betydeleg kutt i sine rammer og har som hovudprioritering å justere og tilpasse drift i høve til gitt ramme. Sjølv om eit slikt tiltak kan oppfattast å ha marginal konsekvens, må ein vurdere om dette skal etablerast ved å erstatte 20% pleieressurs med 20% kjøkenressurs eller om ein skal auke avdelinga si ramme. Vel ein det siste, må ein parallelt velje kor ein skal redusere tilsvarande.

Kostnad 20% stillingsauke utgjer 109 740 ut frå dagens lønsplassering. Inntekt middag eldresenter 2017 med opningstid ein dag per veke : var 42 570. Middagspris blir fastsett av kommunestyret i samband med budsjetthandsaminga kvart år.

Vinje kjøkendrift er ei sjølvstendig resultateining i Vinje kommune . For dei vil ei utviding av tilbodet ved eldresenteret inneber tapt inntekt tilsvarande ein dags leveranse i veka, og følgeleg også redusere produksjonsvolum.

Utviding av eldresenterdrift med ein dag i veka vil med andre ord redusere inntektsgrunnlag og mengde produsert vare for Vinje kjøkendrift, og parallelt auke utgiftene for Helse og omsorg.

Saka vert fremja utan innstilling.

Rådmannens framlegg til vedtak:

--

Rådmannen, 13.02.18

Jan Myrekrok, rådmann /s/